

**Protocol no. 60****Sezzüda da marcurdi, als 3 avriql 2013 20.00 - 23.15**

**Preschaints:** Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

**Protocol**

Il protocol no. 59 da la sezzüda da marcurdi, als 27. März 2013 vain approvà.

**518 021****FABRICA****Albert e Beatrice Lanter; chasa da vacanzas Stron 277**

Ils manzunats prevezzan d'utilisar in möd radschunaivel lur chasa a Sent cun organisar in alchüns locals exposiziuns d'art da textil (2 fin 3 exposiziuns l'on d'üna dürada da 2 eivnas). A regard l'aspet da fabrica ha la cumischiun examinà la fatschenda e da quella vart nu sta inguotta cunter l'intent. Il Cussagl aderischa a la dumonda.

**519 790.501****Proget planisaziun cumünala****Schef da fabrica e manader tecnic / visita a Cuaira**

Il schef da fabrica orientescha a fuond sur da las diversas visitas ed aboccamaints cun perits, planisaders ed uffizis pertoccant divers aspets e problems in connex culla revisiun da la planisaziun.

**520 790.501****Proget planisaziun cumünala****Prolungaziun da la zona da planisaziun**

Als 11 mai 2009 ha il cumün da Sent publichà üna zona da planisaziun in vist'a la revisiun totala da la planisaziun locala. Als 11 favrer 2010 ed als 10 schner 2011 d'eira quella gnüda modifichada. Ultra da quai d'eira quella gnüda prolungada dal 2011 fin als 11 mai 2013. Il proget revisiun da la planisaziun ais amo in vigur. Il Cussagl decida perquai da prolungar la zona da planisaziun ün'ulteriura jada per la dürada da duos ons.e d'inoltrar la dumonda correspondent a al departamaint d'economia publica e fats socials.

**522 620.501****Vias e plazzas****Terrain Fam. Oes – Schär, Archas**

Il vicecapo ais gnü confruntà culla dumonda, scha'l cumün nu vuless cumprar la surfatscha da var 30 m2 sü Archas (i's tratta d'ün triangul cunfinant culla via da quartier d'Archas Sura e culla via dad Archas). Ultra da quai as rechatta là eir ün idrant.

Il Cussagl perseguitescha la fatschenda.

**523 620 VIAS E PLAZZAS**  
**Infrastructura cumünala**

Il vicecapo muossa via sün divers dons da l'infrastructura in cumün e manzuna tanter oter la lingia da chanalisaziun da l'hotel Aldier chi sbocc'in quella cumünala, la quala ais defetta. Pustüt discut'ìl Cussagl però dal proget da refacziun da l'infrastructura Davo Stron – Surataglia, il qual ha prüma priorità.

El decida, da cuntinuar cun quel proget ed il rest dals dons dessan gnir refats in davoman seguond il bsögn. Ultra da quai vain decis, in assenza dad Albert Mayer ed Andri Poo, cha'ls duos indschegnars indigens dessan inoltrar lur offertas.

**524 300.365.50 Contribuziuns e donaziuns diversas**  
**Pendicularas Motta Naluns Dumonda per ün sustegn pellas „shows da sport da naiv“**

Fingjà daspö plüs ons realiseschan las scoulas da sport da naiv Scuol e Ftan da quellas occurrenzas. I nun ais pussibel a quellas da cuvernar ils cuosts cullas contribuziuns, uschè chi sun dependentas da sponsurs. I's tratta da la somma mancanta da fr. 7'200.00 (pro cuosts totals da ca. fr. 20'000.00) e seguond proposta surpiglia il cumün da Scuol fr. 3'600.00, il cumün da Ftan ed il cumün da Sent lura fr. 1'800.00. In vist'a l'importanza cha Motta Naluns significha per nos cumün decid'ìl Cussagl d'entrar sülla dumonda e conceda l'import da fr.1'800.00.

**525 830 TURISSEM**  
**Chasa Veglia / dumonda a regard il manar ustaria our il liber**

Ils respunsabels da la Chasa Veglia dumondan per plazzar maisas e sopchas davant il restorant e quai per la dürada dals 1. mai fin d'utuon. Sper la terrassa pitschna ais previs da spordscher als giasts ulteriuras plazzas our i'l liber, quai chi pretenda cha la colliaziun da la via tanter Curtinaglias ed Avant Baseligia stuvezz gnir serrada pel trafic d'urant quel temp. Il Cussagl decida d'aderir a la dumonda, però suot diversas cundiziuns:

**526 300.311 Cultura**  
**Proget Senda culturala Uina / Dumonda per ün credit da fr. 20'000.00**

Davart dal silvicultur vain inoltrada la documainta cun preventiv dals cuosts, la quala il Cussagl consulta detagliadamaing. I's tratta da lavuors da refacziun da la senda veglia cun ün concept da signalisaziun e cun tablas chi preschaintan tuot l'istorgia. Quellas lavuors i'ls contuorns da Puntins Ots pon gnir effetuadas da la gruppa da god. I's tratta qua d'ün fich bun aspet e valur culturala per nos cumün.

Il Cussagl decida da realisar quel proget cultural. A regard ils cuosts restants prevezz'el da sclerir la fatschenda e da drizzar dumondas per contribuziuns ad instituziuns.

**528 ORIENTAZIUNS**

**Teater d'uffants „Flumi“ – Teater da god / dumonda per üna contribuziun**

Ils respunsabels prevezzan preschantaziuns da teater per uffants eir in divers löes dal Grischun e dumondan a nos cumün per üna contribuziun da preschantaziun da fr. 975.00. Il Cussagl valüta quist sco na necessari e nun aintra sülla dumonda. El dà la preferenza a progets indigens per uffants in lingua rumantscha.

529

**VARIA**

Ledscha executiva da la refuorma dal territori / consultaziun

Il departamaint da finanzas e cumüns dal Grischun suottametta als cumüns la consultaziun pella ledscha executiva da la refuorma dal territori. Quella ha da gnir inoltrada fin il plü tard als 30 gën 2013. La documainta po gnir pretaisa via e-mail pro'l departamaint obain lura suot <http://www.dfg.gr.ch>.

L'actuar:  
Marco Fallet

Il Capo:  
Albert Mayert